



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : YUEN LONG LONG PING ESTATE WAI CHOW SCHOOL

学校名称 : 元朗朗屏邨惠州学校

Name of Play 剧名 : 愚公不移山

Script writer 剧作者 : 刘咏贤老师

Synopsis 故事大纲:

坚毅的愚公虽然人身已故但精神不死。故事开场，愚公锲而不舍地移山，在挖掘的过程中，遇见了三位伟大发明家：爱因斯坦、爱迪生和鲁班。在发明家们的旁敲侧击下，愚公好像对移山的计划有了新的想法。

在平衡时空下的愚子、愚妻和愚孙也为了坚持愚公的信念而产生了分歧，愚孙发挥了小朋友的好奇心和探究精神，向移山的理念作出挑战。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

地点: 创新天堂科技委员会办公室 / 地上阻路的山

(音乐出, 孙妹妹与地上山景出镜)

孙妹妹: 各位观众, 我系愚孙, 即系愚公个孙, 相信你地都听过愚公移山嘅故事, 个故事原来仲有另一个版本架, 话说愚公有一日沥住个锄头喺度猛咁掘呀掘.....呢! 哩个就系我爷爷, 愚公呀, 佢好有毅力架, 所以未能够留名于后世嘍.....

(音乐过门: 孙妹妹退场, 转天堂景 / 愚公与天堂景前加黑咭出场, 持锄头出镜)

愚公: 我掘! 我掘! 嗨! 点解去天堂条路咁长嘅, 掘极都掘唔到!
到底天堂喺边度呢! (坚定地)我唔信掘唔倒去天堂嘅路! 我掘我掘.....

(鲁班、爱因斯坦、爱迪生+天堂景出镜)

爱因斯坦: Oh, no! 你哋睇下! 都掘左咁多年啦! 睇黎我地要帮下佢先得啦。

鲁班: 真系俾佢激死, 系咁掘都唔知佢掘咩, 家阵上天堂呀, 唔系叫佢移山移石咁嘛。

爱迪生: (肯定地)Well, 我一早都话要用两文三语, 指示得清清楚楚啦! 明明背脊有对翼喺度都唔晓用, 搞左咁多年都系喺度摸摸下!

鲁班: (附和着)系啦! 系啦! 至少都要装啲照明工具啊, 即使有人误入途, 搵错地方, 摸错路, 都可以摸到黎总站咁嘛! 系哩, 二老爱! 唔该借你发明果枝嘅路上光黎, 等我去救救同胞啦!

爱迪生: Oh, no problem! 随便嘍去用啦。

鲁班: 唔该晒。

(音乐过门: 鲁班背加黑咭出镜, 用手电筒照愚公)

愚公: (朝着源望去) 咦, 有光嘅, 梗系到埗啦!

(欣喜若狂地) 兄台! 兄台! 见到你真系好嘍, 总算见到个人啦! 未请教兄台高姓大名呢?

鲁班: 好话啦, 我系鲁班, 人称鲁班师父就系我啦。

愚公: 原来兄台就系鲁班师傅, 真系失觉晒。

鲁班: 唔好咁拘谨啦, 大家都系天堂嘅左邻右里, 我系嚟帮你带路架。

愚公: (失望地)吓! 乜原来仲未到天堂架!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

鲁班： 放心啦！有我带路，好快到埗。你放低个锄头啦，跟我黎。

(音乐过门：鲁班、愚公+黑哨退场 / 天堂景+爱迪生、爱因斯坦背面出镜)

鲁班： 你哋过嚟呀，我带左我个同胞嚟呀！

(爱迪生、爱因斯坦面向面镜头)

鲁班： 愚公，我同你介绍，呢位大老爱，爱因斯坦，呢位二老爱，爱迪生！

愚公： (拱手为礼)两位兄台有礼！小弟愚公啊！

爱迪生： **Nice to meet you!** 其实我地好耐之前已经喺超时空影像机里面见到你架啦。睇住你好只白老鼠咁成日幽幽转，如果唔喺大佬爱佢睇唔过眼要帮你，怕且你都仲有排掘啊！

愚公： (向爱因斯坦拱手以谢)咁真系多谢大佬爱你拔刀相助，如果唔系，小弟都唔知仲要掘几耐至掘到嚟天堂嘢。

爱因斯坦： **You're welcome!** 小意思，唔驶咁客气啦！我都唔忍心见你咁嗰埋啲的时间。系呢，话时话，乜你唔知你可以唔驶行，唔驶掘，都可以嚟到天堂嘅咩？

愚公： 唔驶行，唔驶掘，都可以嚟到天堂？即系点呀？

爱迪生： 即系可以飞嘢！

愚公： 阿二老爱兄台，你真风趣。我虽然老但系我未蒙得晒，我又唔系雀仔，又点会识飞呢？

鲁班： 唉，乜你唔知，你个背脊后面有对翼嘅咩？

愚公： 有对翼？（怀疑地，伸手摸背脊）依！系嗰几时生咗对翼出嚟架？

鲁班： 系你被批准上天堂果一刻，对翼就跟住长左出嚟架啦！

愚公： 喺啦，怪唔得知我成日觉得个背脊好似有啲野系郁郁下郁郁下咁啦。承教承教（再拱手为礼）唉...真系枉我一世自命有毅力意志坚，连自己有对翼都唔识用，结果都系要靠人帮先至到天堂，唉.....（惭愧地摇头）

爱因斯坦： (安慰愚公)唔紧要啦，虽然你行左咁耐都有乜老咩，仲好精神！相信你加入左我地呢啲创新天堂科技委员会一定会有所作为嘅！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

愚公： 咁又系呀！虽然我啲隔离邻舍都话我傻，叫我做愚公，不过，我做野都算好有耐性，绝对唔会半途而废，我谗呢啲就系我既成功之处嘞！

鲁班： 成功？！你点成功啊？你嘅工程都未完成就上咗嚟啦。

愚公： (指示着超时空影像机，并自鸣得意地解释)

鲁班兄，你睇，我嘅老婆同个仔，仲有我个孙女，佢地都好努力咁继续做紧我嘅伟大工程啊！

爱迪生： 咦！佢地做咩起势咁掘咁地呀？哗，将一箕一箕嘅泥倒埋一边做咩呢？

愚公： (神气地) 佢地要移山嘍！

三伟人： (惊讶地齐声道) 移山？

爱迪生： 咁样移山？

愚公： (坚定地) 系呀！只要有毅力，咁就大山可以挪开，小山可以迁移...

(音乐过门: 三伟人、愚公退场, 天堂景转山景 / 愚妻、子、孙与山景出镜)

孙妹妹： (埋怨地) 阿爹，点解个山好似掘极都掘唔完咁嘅？

愚子： 孙妹妹，俾啲耐性啦，我好似你咁大果阵，就跟你阿爷日日黎掘座山架啦。

孙妹妹： 咁即系要掘到几时啫？

愚妻： 孙妹妹，你乖啦，你猛咁问你阿爹都无用架，你阿爷临终前话过，无论点都要掘走座山为止。

愚子： 孙妹妹，你问咁多野，系咪想偷懒呢？

孙妹妹： (辩解地) 梗是不是啦，阿爹，你估我系隔离屋个只猪咩？！

愚妻： 嗨，你两父女唔好再拗咁多啦。嚟、嚟、嚟，不如我地唱返亚爷用嚟激励我地努力移山嘅果首歌，好不好？(回味地) 记得我地每次唱完首歌都好似充满力量咁架。哼！预备，一、二、三.....

子妻唱： (边唱边舞) 大山可以挪开，小山可以迁移.....

孙妹妹： 麻麻，唔系哩，宜家我地要出城之麻，有条直路过到去咪得嘍，将成个山铲走晒，一来啱时间、啱人力，二来个山好地地，铲走晒佢会唔会可惜左啲啊？

愚妻： 听落又好似有啲道理㗎。